



TAPAK 9

Jeep gari nung alenloksangji lung agi aonertem lennir Iiasü : Major Gogoi



TAPAK 7

Ingrid Bergman film nung Chastain-i shilem agitsü

VOL. XIV NO. 215 (ADOK 215)

DIMAPUR

WEDNESDAY

MAY 24, 2017

5.00

BJP Nagaland-i jangjashitsür Angh PB Acharya-i tetsü oshi jembitsü ayongzüker

Dimapur, May 23 (TYO): Bharatiya Janata Party ya secular political party ka lir aser democratic state ka tentetsü alizüing yur mapa inyaker, ta Media Cell, BJP Nagaland-i sangdong ka nung metetdaksü.

Nagaland BJP-i Khristan yimsü aser nübo agi tangar meneneper taginübatem kümzüka ayutsü lemtetba agizükba atema NBCC dang pelar. BJP Nagaland-i maneni Khristan yimsü kümzüka ayutsü, saka India Constitution ajanga senso shia nem 'freedom of religion' agütsüba ama tanga tamangba yimsütema akümsübur, ta parnokisa ashi.

Taoba Prime Minister, AB Vajpayee ya December 25 nü aso aser India sorkari pa tasoba anogo nung Good Governance Day amungtsü lemtetba ajanga Christmas anogo den ajurushir. Ajisiaka, Nagaland BJP aser state sorkar December 25 matongdang mesüra süir ang Good Governance Day amunger, ta BJP sangdong nungsa metetdaksü.

India sorkarisa Indian Constitution tebu Dr B.R. Ambedkar tasoba anogo April 14 nung India Digital Day amungtsü lemtet. Taküm iba anogo nung Good Friday ajurushi, ajisiaka küm

shia Good Friday anogo melenshia amunger, ta parnokisa shisem.

Prime Minister-i nashi anükertem anema nokdaker aser Union Minister Smriti Irani-i May 21, 2017 nü Indian Today Editor senden nung BJP-i nashi anükertem anema nokdaker ta nenshia metetdaksüogo, ta Media Cell sangdong nung metetdaksü.

October 14, 2016 nü India Christian Council-i ayongzüka sentong nung Home Minister Rajnath Singh-i India ya secular linük ka lir aser nübortem ajak yimjung nung alitsü atema aremzüktepa alitsüla ta ashi.

India nung tamangba yimsü ajak yimjung nung alir aser tetsübu kecha melii tamangba yimsü sadoka amangteper aser iba jagi India ya taremsük adokdak reju ka lir, ta Rajnath-i metetdaksü.

Home Minister-isa ashiba agi, Linük nung St. Thomas nungi Mother Theresa nungeri loktiliba nungi temenentem agientsü atema mapa inyaker aser parnok mapaji India-i kodanga mamatsü. India nung tamangba yimsü anema mapa meinyaktsütsü aser Khristantem kümzüka ayutsü, ta Media Cell BJP Nagaland-isa sangdong nung ashi.



May 23, 2017 nü Kohima nung Tenyidie oshi shisatokden sentong nung Angh PB Acharya-i o jembiba noksa nung angur.

Kohima, May 23 (TYO): Nagaland Angh, PB Acharya-i tanü, primary education nung tetsü oshi adentsüla, kechiyong tila asüidang tanurtemi oshioben melamela angazüker, ta ashi.

Ura Academy Badi, Kohima nung 47 buba annual Tenyidie seminar tenzüka sentong nung o jembidang, Acharya-i, "sobaliba

aser shisaliok nung oshiji tiyongtsü lir aser nisung ka maitsü atema mezüingbuba aser tongtipangibaji tetsü oshi lir" ta ashi.

"Pei oshi toktsür Hindi, English amala tangar oshi ka agizükba nung lendong tulu keta lir. English oshi dak kanga temulung agütsüba ajanga asen oshi aika samaa aotsü jenjang

nung lir" ta paisa shisem.

"Tetsü oshiji tashi ka lir aser Naga nungertemi pei tetsü oshitem jembitsüla. Naga nungertemi Nagaland tashitait kümdaktsütsüla" ta Angh-isa ayongzüker.

Nagaland sorkari Naga oshitem wazüksü, kümzüksü aser ajungkettsü atema oshi asem shimba atema PB Acharya-i tenüngsang agütsü aser paisa Professor Ura Academy, Dr D Kuolie-i züluba kaket ana sayatsü.

Sentong nung social activist, Niketu Iralu-ia o jembidang, India sorkar aser NSCN-IM tsüingda Naga yimten tebilemsü atema jembia aruba indang metetdaksü.

"Naga nungerji India nunger anemer masü, linük anemer masü aser tongtipangsa Naga nungerji linük toktsür razüka onürtem masü" ta Iralu-isa shisem.

Naga nungeri küm aika India sorkar, army aser telok balala den olemtepyonga arur. Kümtem süia arudang meshitak mapatem inyaksomogo aser ibaji ajaki hau ta agizüker. Naga nungeri India nunger den oa ajuruteptsüla aser parnoki asennok asoshi raratsütsü, ta paisa ayongzüker.

(Maneni tapak 12 nung...)

Arunachal nung Naga nungertemi "Autonomous Council" meshir

Itanagar, May 23 : Arunachal Pradesh state nung district asem Tirap, Changlang aser Longding (TCL) nung alir nübortem ya Naga nunger lir aser parnoki centre government dang autonomous council agütsütsüla ta takangba ka agüja lir.

Arunachal Pradesh nung alir Naga nungertemi parnok alidak renloka onür saka state government-i Naga nungertem merenlokaktsüi soita ayur ta parnokisa aitsü. Naga nungertemi parnok lushi nung terenlok mapa inyakba mapang ka arutsü asoshi mapang talangka ataogo, tangbo joko autonomous council aküm nung dang Naga nunger lushi nung terenlok mapa inyaka otettsü ta parnokisa metetdaksü.?

"Central government-i Naga

nunger timtem aser taginüba repringdangtsü atema yakta committee ka shimtsüla aser Naga nunger nem autonomous jenjang agütsütsüla," ta TCL lushi nung alir Naga nungertemisa metetdaksü.

Tang tashi nung TCL kübok aliba tesem aser nübortem tia ya temeimsüka lir, anungji ato kilonser, Narendra Modii shisatsü ajanga nübortem mulung yirua alirtem aneptsütsü imlar ta parnokisa metetdaksü.

TCL nung alir Naga nungertemi parnok alidak renloknüba agi autonomous council jenjang meshir saka iba temeten aser taginüba indang Pema Khandu-i aniba government mapang kenyonji tejembia mejembi senzüka toktsü ta TCL nung alir

Naga nungertemi ashi.

TCL purtem lushi nung mozü ki, kaketshisatsü angazükdak kaketreju aser lenmang kecha meyanglutsüi nübortem aika timtemdaksüba va kechi tebilemba (?) ta TCL nübortemisa takangba agütsüogo.

"Kodang kasa adianusa ser nung Nagaland-bo state angu, onokbo timtemseta lia aotsüba tia ka nung toktsü," ta parnokisa ashi. "Government-i onok timtemba tia mereprangi toktsüba asoshi jashia bilemer," ta TLC lushi nung alir Naga nungertemisa metetdaksü. Arunachal Pradesh nung alir Naga nungertem asoshi autonomous Council jenjang meshitsü atema kaketshirtema telok ka tentetogo.

Minister Yitachu den RMSA aser SCERT ketdangsertemi Meluri nung rejutem semdang



Kohima, May 23 (TYO): Nagaland Minister for School Education & SCERT, Yitachu den RMSA aser SCERT ketdangsertemi Mongulbarnü Phek district kübok Meluri subdivision nung aliba sorkar shisaliok rejutem yangluba repringdanga ao.

Joint Mission Director tem- Kevi Rio aser Visiezolie Yashii na den Minister Yitachu-i Government Higher Secondary School tasen yangluba aser Government High School, Meluri nung Class IX & X takdang tasen yangluba repringdang.

Parnoki contractor tem den ajurutepa sensaksem dang, taküm February ita tensa mejungi akümba ajanga mapa meinyakteti liasü ta contractor temi ashi.

Yitachu-i mapa inyakbatem repringdangba sülen temulung asüba metetdaksü aser

tekaratiba nung mapa inyaktsü atema contractor tem ajungshi.

Department-i Primary nungi Higher Secondary school tem ajak GIS Mapping indang mapa inyaker aser ibaji taruba ita ana tsüingda renemtsü imlar. Iba sülen school aser tesayurtem asadanga mapa lemsatsütsü, ta Yitachu-i tanü ashi.

Kevi Rio-ia mapa inyakba nung tenük asünger aser 2018 academic session nungibo ki tasenba nung agitsü imlar ta ashi.

Paisa ashiba agi, GHSS Meluri ki tasenji Union Ministry of Human Resources Development ajanga aser GHS nung Class IX & X takdangji Ministry of DoNER ajanga teyari agütsür.

Union Ministry of DoNER-isa GHSS Meluri aser Medziphema nung Computer lab yanglutsü atema teyari agütsütsü, ta paisa shisem.

ABAM Clean Election zone 8 buba sentong agiogo

Dimapur, May 23 (TYO) : Dimapur, May 23 (TYO): ABAM ajanga tanü asen lima election mapang temenen mapa jateta adokba nokdangtsü sentong balala agia arudar.

Kasa tongpang raratsü asoshi Yimten yimsüsür, Town Committee aser Arogo asoshi Mokokchung district nung aliba Ao Arogo zone wise lemsar Clean Election sentong agia aruba, tatembangsa Zone 8 buba Kobulong Baptist Arogo nung May 23, 2017 nü agiogo.

Iba Zone kübok Asetkong arogo 8 nungi nisung 70

aru sentong nung aden aser shisalen sayurtemji Wb. Bendang Yaden Asst. Registrar, Cooperative Society Wokha aser Rev I. Meren Pongener Secretary, Finance & Property, ABAM na liasü.

Sentong nung shisalen sayurtem ajanga asen lima 1980's tashi nung terenlok aruba dak alaka joko küm aika terenlok mapa kecha meli arudar, saka asenoki ola madokteti lia arur, kechiaser asenoki election mapang sen yong asen temeden yoka chir alar kümer kazür, ta ashi.

Iba alar tia nungi nüjiba dangi arua asen lima nung asenok kibur ama alitsü asoshi election merükteta agitsüla ta shisalen sayurtemi ayongzüker.

Ochi sorkar aginüra, election merükteta agitsüla aser iba dak sendakba nung Election nung tokteptsüpurtem ajak nem pa/la aser party tebilemba lemsateptsü sabang agütsüba den tesüiba mapang nung kechi inyaka liasü, item khuli tejangja meshia nübortemi kanga junga asadanger ochishia vote agütsütsütsüla tenatisa metetdaksü.

(Maneni tapak 11 nung...)

CECS Dimapur nung takok angur nem tenüngsang agütsü



CECS Director, Subonenba Lkr den takok angur kaketshir aser tesayurtem noksa nung angur.

Dimapur, May 23(TYO) : jembidang, CECS Director, tesayurtem, School Board aser züngtemer aor kaketshirtem Community Education Centre Wb.Subonenba Longkumer-i kaketshirtem dang tarutsü nunga rongnungi tenüngsang aser nung taküm 2017 küm HSLC tajungtiba takok angutsü asoshi tepela o tatsütsü jembia liasü.

nung takok angurtem nem nükjidong yur meranga azüngtsü Sentong nung kaketshirtemi ajungshi. Paisa kaketshirtem ken ka aten aser CECS Director-i takok angur nem tenüngsang kulikaket den agiogo. nokdaktetsüsa renema alitsü sempet agütsü. Iba sentong angurtem nem tenüngsang agüja Iba sentong nungsa nung tsüraburtema aden.

Dimapur Anti Tobacco Squad-i Diphupar aser Chumu tsüngda mita ao



Dimapur, Mar 23 (TYO): dokantem mita ao. Ib mapang school anasa aliba dokan 20 nung moko ayokba atema pua ayokba merenshiogo. Iba dak sendakba nung Dr

C Teseo District Nodal Officer NTCP-i ashiba agi, COTPA kübok shisaliok rejutem anasa metre 100 telongtet nung moko dak sendakba tachitsütem mayoktsü ozüing lateta lir.

Moko ayokertemi iba ozüing jungjunga metettsüla aser tang nungi tanur dang moko ayokba putetra, sen lakh 1 senchi achitsü mesüra Juvenile justice and Protection Acts 2015 kübok küm ka tepuokdak ayutsü, ta Dr C Teseo-isa metetdaksü.

September 27, 2016 nü Supreme Court-i obendang agütsüba nung, 'twin pack pan masalas' aser 'flavoured chewable tobacco' ayoktsü memelar aser item shishilembartem ozüing kübok merenshitsü, ta paisa shisem.

Mokokchung DEO-i metetdaksür

Dimapur, May 23 (TYO): form" agütsütsü metetdaksür, District Education Officer, ta Mkg District Education Officer, Temjennaro-i sangdong inyaker, shirnok National Pension system (NPS) kübok dena lir, nenok ajaki NSDL e-governance infrastructure limited nem "Self-certificate-FATCA/CRS Declaration District Education Officer-isa ashi.

Municipal Officers & Line Departments training agütsü

Dimapur, May 23 (TYO): Kohima indang Conference Atal Mission for Rejuvenation and Urban Transformation (AMRUT) nung Capacity Building Programme kübok Municipal Officers aser Line Departments indang training ka May 24-26, 2017 tashi agütsü.

Iba training lapokba sentongji Regional Centre for Urban and Environmental Studies (RCUES), Hyderabad nungi arutsü. Iba training agütsü, ta DIPR of Urban Development, sangdong ka nung metetdaksü.

**OFFICE OF THE
AO SENSO TELONGJEM DIMAPUR**

Dimapur - 797112 : Nagaland
"Telongjem aser Terenlok"

TONGTIPANG LOKTI SENDEN KA JAZÜKER

Dimapur lima Ao kin E-roll shidak renemtsü mapa tenzüksü atema lokti senden ka aruya aliba 27-5-2017 anogo anepdang 10 ako nungi tenzüka asen ASTD mendenti Wb.Yashitsungba Aier, Kher mahal nung amentsü lemtetogo. Anungji, item lokti balala nungi yimsüsertem aser lenirtem nübo medema arua khuret lemsatepsü asen ASTD yimsüsertemi mepishia jaoker :

1. Yimtsung Council/Colony/Ward ajak nungi Chairmantem,
2. Urban/Rural/Colony/Ward/Village ajak nungi GBtem,
3. Tzükong telongjem aser Yimtsung telongjem ajak nungi Ketdangpur aser Executives ajak.
4. Medziphema nungi Dimapur tashi aser temeket nung Aor yim ajak nungi yimsüsertem.
5. Ketdangpurtem, Dimapur Watsü Telongjem, Dimapur Ao Lanur Telongjem, Dimapur Ao Pensioners Telongjem, Ao Kaketshir Telongjem Dimapur, Arogotem nungi tenzükertem.

Ajak mazüing liaka iba khuret asoshi sarasadema atar mapang shidak nung arua shilem tajung agütsü maneni lephsia ayongzüker. Iba Osang kakets nungi sangdongba dak alaka shinga dangi shiti balaka mezülur.

Sd/-
Supu Jamir,
President,AS TD.

Sd/-
C.Onen Walling,
General Secretary,ASTD.



Bio-Waste → Compost



TEMERÜK YIMTSÜNG * TEMO AKETBA ALI
Aluyimertemi sen 20/- agi dang küm piyong tsünüsenbongtsü nung amshitsü asoshi Organic mol yanglutettsü

Waste Decomposer

Swaccha Bharat Abhiyan kübok yimtsüngtem merükmejua ayutsü atema, National Centre of Organic Farming, Ghaziabad (Government of India, Department of Agriculture, Cooperation & Farmers Welfare)-i technology tasen ka purapitetogo, koba agi sen aika meindoki nashi scü aser yimtsüng nung bio-waste ajanga mol tajung yangluteter. Iba technology atema ali nung ongken atutsü mesüra tanga structure yanglutsü nungdak madoker.



Osang tejangja metettsü atema.

Tajangzükem

- Tzü liter 200 + mojitsü seret 2 nung Waste Decomposer bottle ka meyokteper bio-waste agi mol kümdaksür. Talila yanglunüra solution litre 10 amshitsü akok.
- Iba yimya nung anogo 30-40 tsüngda mol yangluteter.
- Sen 20 jenjang bottle ka ajanga mol yon 1000 den tema yangluteter.
- Iba yimya ya küm aika amshitettsü.



NATIONAL CENTRE OF ORGANIC FARMING

Government of India, Ministry of Agriculture & Farmers Welfare
Department of Agriculture, Cooperation & Farmers Welfare Hapur
Road, Kamla Nehru Nagar, Ghaziabad-201002

Tel.: 0120-2764212,2764906; Fax : 0120-2764901;

Email : nbd@nic.in Website : hfflp://ncof.dacnet.nic.

Regional Centres of organic Farming : Bangalore - 080-28450503;
Bhubaneshwar - 0674-2721281; Imphal - 0385.2413239; Nagpur - 071 18-297054; Jabalpur - 0761-2904320; Panchkula - 0172-2564460; Ghaziabad-0120-2764212 and Patna



Assam nung Karbi chuba Harsing Ronghang apu

Guwahati, May 23 (Agencies): Arishi kum 53 tain tribal chuba kati Assam nung arishi kum 33 tain tanur 4 tetsu ka den tashiyim agi shi nung medemba atema puogo.

Harsing Ronghang ya Tenung atema chuba ta zungshiba (titular) Karbi nung chuba lir. Pa Mongolbar anepdang tetsurlai FIR ka benokba sülen puogo.

Ronghang ya tangar kidangi temelaba melei atuba aser tashiyim agi shi nung medemba ken o nung aija puogo.

"Pa police-i anir arua puogo aser tang tetsurla temang tendangba osang atadar," ta

central Assam kubok West Karbi Anglong district nung Hamren police station in-charge Kamal Bora-i ashi.

Tetsurlai osang agütsüba ajanga ashiba agi, pa taoba Bodhbar aonung lar kidangi ao aser idakji pai la den tashiyim agi shi nung medem.

"Iba tatalokba sülen pa anepdang ki toktsür ao aser iba tatalokba shinga danga mashitsü asoshi pai tetsurla amokmeren. Ajisaka anogo anashi lir lai lar kiyongertem dang ashi aser iba osang iba tesem nung prokshi," ta Bora-i ashi.

Iba keno dak sendakba nung

jembishinütsü asoshi Hombarnü senden ka ayongzüka aka aser idakji pai tashiyim mapa inyakba nangzük. Tetsurlai iba sülen Hamren police station nung ken o ka agütsü.

Karbi Anglong tesem kong Karbi nung timba alir iba tesem nung yimsüsüba maparen ya Karbi Anglong Autonomous Council (KAAC) kubok lir. Ajisaka tribal chuba yagi district head quarters Hamren tesem nungi Km 16 pilar aliba Ronghang Rongbong tesem nungi pai Karbi nung sobaliba aser libaliro balala achaayanger.

POLY CLINIC TULI, LOYONG WARD

Aki ama Bodhbar shia anepdang 10:00 ako nungi tenzüka clinic lapoker, anungji nungdakbapur ajaki jilia tenung zülüoka ata alitsü sangdonger. Ultra sound, Scanning, Blood & Urine test amala sütettsü.

ULFA-I puri Bida Taku dang sen lakh 10 akhang

Itanagar, May 23 (Agencies): Sorkari nokdanga aliba United Liberation Front of Asom (Independent) puri taoba Arunachal Pradesh minister Bida Taku dang nungi sen lakh 10 meshia osang ka agütsüogo.

Taoba Chief minister-i ashiba agi, ULFA (I) puri sen meshiba osang Honibarnü agütsü aser parnok takhangba mataloktsüra

lendong ajurutsü ta amokmeren. Iba dak sendakba nung Taku-i yashi Mahadevpur police station nung ken o ka benokogo.

"Iba dak sendakba nung local politician kar densema alitsü ta ni temolung melemi bilemer kechiyong ni amala ka tang talidak kia maliba nisung kadak kodaser tenük yoktsü," ta taoba Minister-i ashi.



Nai Statement of Financial Transaction filing asütsü atema tenung zülüoker na?

Na,

- A Banking Company
- Co-operative Bank
- NBFC
- A NIDHI
- Post Master General
- A Company or Institution
- Trustee of Mutual Fund or managing the affairs of mutual fund
- Foreign Exchange Dealer
- SRO
- Trader of Goods or a Service provider (with turnover exceeding ₹ 1 crore, or professional receipt exceeding ₹ 25 lakh during F.Y. 2016-17)

süra, nai tsünglanglen agüja aliba ama F.Y. 2016-17 mapang third party tem den tansaction asüba atema online nung **STATEMENT OF FINANCIAL TRANSACTION (SFT)** asütsüla.

[Rule 114E of the Income-tax Rules, 1962]

31.05.2017 matongdang online nung register süang aser Form 16A nung Statement of Financial Transaction agüjang

TRANSACTION TEMETTETSÜTEM

Value of Transaction	Nature of Transaction	Value of Transaction	Nature of Transaction
Exceeding ₹ 1,00,000/-	Credit Card Bill ajanga Cash nung sen agütsüba		RBI ajanga agütsüba Bank Draft/Pay Order/banker's Cheque/Pre-Paid Instrument sen agüja aliba
Exceeding ₹ 2,00,000/-	Goods mesüra Service aliba nung nisung mshi kati sen agütsüba	Exceeding ₹ 10,00,000/- (at one time or aggregating in respect of a person during F.Y.)	Account ka mesüra talia nung cash deposit asüba
Exceeding ₹ 50,00,000/- or Valued by Stamp Valuing Authority	Kiojen aliba mesüra yokdokba		Time Deposit
Exceeding ₹ 50,00,000/-	Financial year ka nung account ka mesüra talia nungi cash deposit/withdrawal asüba		Cash agütsüba masü sür Credit Card Bill ajanga sen agütsüba
			Company ajanga agütsüba Mutual Fund, bonds/debentures/share schemes nung unit alizükdang nisung mashi ka nungi sen anguba
			Tangar dang nungi share alizükba
			Foreign exchange nung receipts of sale

Teyari atema nür State/Tesem nung DIT (I & CI) den tongtepratepang



@IncomeTaxIndia



Income Tax Department

www.incometaxindia.gov.in



TIR YIMYIM

YIMOBILEM (EDITORIAL)

DIMAPUR WEDNESDAY, MAY 24, 2017

Election agitsüba otsü

Nagaland nung election ya kodang agidir agiang timi jungjunga aginüba tangatetba ka nübortem aika mulungjangi aruogo ta angateter. Atangji, karibo Clean election indang yamai jembiyonga takok mangutsü ta jembir kechiyong parnok mulungjangji 'clean' masü, anungji parnok jagibo election nung candidate dang sen meshitsü mesüra voter-tem sen agi alitsü yongyar. Aji oda, pei vote aser pei kinunger vote atema sendak balaka ataksü aser tangar melen proxy itsütsü asoshia jenjang balaka meshitsü aser ano tashiyim amshia tangar amokmerentsü asoshia jenjang balaka asütsü ta pei pei akok election nung tim masüba mapa inyaksü bilemertemi 'Clean' election sentong ya takok ngua mangur. Ano, election mapang nung temenünüsüka aser tezudangtsüka inyakbaji nisung aikati tangar tenüng atema candidate-tem dang sen meshia chitsür. Iba amaji nübortembo teimbaka tangatetba nung timi election nung shilem agitsü bilemaka item nisungtem jagi nübortem ajak tenüng nung election menentsür. Iba ama tensa dak apet onük jembia alidang election arutsü anungji kodang arudir arung kü vote küsasa ni' mulungba nung enoktsütsü ta temulungtetba nung senso ajak renemer atatsüba kanga tongtibang kümogo. Atangji, taruba election ya imlaba dang nungibo tama aser tekaraba agitsüa akok, anungji tang yongi nübortemi komala candidate ka yaritsü, shiba yoktsü aser koba telok nem vote enoktsütsü ta shisalemsatepa jembitsüla aser timi shilem agitsü bilema alitsüla. Election agitsüba ya state government mulung masü saka Election Commission of India mulung, anungji kodangangka agitsüar memetet. Ajisüaka, mapang shitak nung lidi süra 2018 küm February ita nung agitsüa akok. Ano, külen reprangdangra tang chief minister, Shurhozeli ya MLA masü ser chief minister akümba dang, anungji election özüng nung aliba ama ita trok tsüngda paji constituency ka nungi MLA akümtsüla. Iba amaji ka mesütetra, pa ita trok inyaker anentsü. Aji oda, pa chief minister kümer August tom ka nung ita trok ajungtsü asünungji August nungbosa by-election agitsüa akümtsü. Aji mesüra ano pa melen chief minister ka shimtsüsa akümtsü. Ano, külen by-election agitsüabajia tagi malang, kechiyong ita pongo-trokka tsüngdasa general election agitsü. Atangji, election inyakyim nung by-election agiba ya general election agitsü küm kabosa anünga ali nungang agir, kechiyong ita ishika MLA inyaksü atema election agia malang aser election-i aia malang. Ibaji inyakyim tajung ka asütsü ta bilemer. Iba ama terata tia ka nung asenok nokdaka alinungji, taoba hopta nung " Nagaland nung general election ya taküm 2017 küm sa agi nunga koma süla ?" ta asüba nung bilemdanga langzüksü mapang agütsüogo. Iba tasüngdangba langzürtemi election yabo kodang agidir agiang, tagitsüajaji, kecha masü saka ochishia timi pei vote pei enokja aginüba olen tajung lemsatepogo. Iba ama telangzüba jagi nübortem mulungjang nung election timi agitsü asoshi tejangraba asentenshi ka adokogo ta angateter. Iba 'Electoral' asentenshi ya takok ngua aotsü atema arogo nung tenzükertemi anir senso ajaki election nung ochishia shilem agitsü Tsüngrem dang nangzüksüla. Ibai kija, kibong, lokti aser yimten menendaktsüba moijing den raraba tongpang, anungji tanemi mimshia raratsüba tongpang ka masü saka tamang ulushir aser tasü itshir temenen mapa anema ayimtena sarasadema inyaksüba mapa ka lir. Aji oda, election agitsü anogo sangdongli nungi election agiba anogo tashi nung kongsa sen, yi aser tashiyim amshiba osang angashidir, iba tesem aser nisungtemji tonga oagi sarasademtsütsüla aser arogo nung ajaki shilem agia 'Election nung timi shilem magirtem nungi temoatsü agienang, agienang, agienang ' ta yimyim ayima yimdong nung jajatsüla. Iba ama yimyim ayima sarasademba ola jagi election nung ochimashi aser tashiyim mapa inyaknertem tasüamait kümdaktsütsü aser parnoki parnoksa tim masüba mapa inyakbatem nungi anentsü. Iba amaji taruba election nungbo asenoki Nagaland nung agiba election otsü ya melenshidaktsüdi ta, talisa, lanurtem ayongzükur.

OLEMSABANG

MAPA MERANGA INYAKBA KONANG

-Mrs. MEYISONGLA

Rtd DY Director, Nursing Nagaland .Kohima.

Küm ter (10) shi ogo, ozü kidangi U.P nunger mesüker aso tulu, tar talang sür sentsü tera nakrem nakremer ka juli (bag) tejen tuluka retreta sünga oshir aji pa tapupang achichilen yiloka bener, ano tanga juli ka sünga abelen agi amer aru. Pa tejak aser tula ajak asentzü agi metenjemer, kangasa aniseter ta ni ajitet, yakta menden agüja mendaktsür tzü tajemtsü agütsü. Tzüji jemer pai pa juliji lapoka kakat tapu balala aika verandahji süngnüa agiteta sayu. Pai jungli O beta beta aser kanga kara kara jembipaji ni kanga jungabo mangatet. Saka ni kakattemji ka khen ka khen ta lushia reprang, Nia kakatji pezü pungoka agiteta ali. Pa kanga pela. Ano pai kü kaketa tayoktsü kar bener ao. Pai kakat yoktsütsü agizükba aser kakat yoker sen agütsütepang zülüokba register tuluka nung nisung shiaji page balala nung zülur kakat kibur nemji sign südaktsürang senji agüja ayur. Yangji pa dak molung malemtsü kecha mali. Ni pa dang tebu na tenüng shiba ? kechi inyaker ? aser koyimer ? ta asüngdang. Ni Mr.Imkumzükba, Imnasüng-bar japaso aser Asangma nunger. Ni B.Th aser B.D zünger Christian literature ministry worker ta ashi, na kong alir ta ni asüngdang. Lower P.W.D, Kohima nung alir ta langzü. Iba sülenbo mapang shia pa ozü kidangi arur, aser tangsa tajungba ni pai jembibaji angateter.

Kakat zülurtemi timtem aika agia kakat zülur, sen aika endoka kakat menünger. Kakat zülur tebilemstüji kakat ayoktsüba kanga lir. Saka adianu kümzükba kakat yoktsüabajaji kakat zülur timtem khuret pongpatsür, aser kakat alirtema yarir. Ano pa anibelega senzübajaji pa pocket money angur. Aji taa ka masü asübo pa mapa makai senzualila mesüra sen nung timtem angutsü. Yamaji tanga lima nungbo part time student temi mesüra azünga alir aiür asangurtemi kakat yoka senzüba aika lir. Tsürapur dang sen memeshir.

Zünger mapa bushir ka office peon atema firm tulu ka nung interview agütsü. Manager jagi pa tendangtsü atema, table aser chair meyutsü mapa agütsü. Aser manager-ba jagi tanupusang dangji kü nem nü indang e-mail address agüjang, ni nü dangi application form yoktsü ta ashi.

Asangurba jagi langzüa ni e-mail aser computer mali ta ashi, itemji makara na taküm maliba den saku. Iba ama nisungbo ni job magütsütettsü ta shir yok, pa ket nung sen noklang pungu (Rs 500) dang liasü, pai bilemdang aser bazari orr Rs 500 jagi tomato kg 10 ali, aser aji ki ki shia yoka senzü. Gonda ana nung ibaji yokma. Ano iba sen jagi tomatoji alia anaben asemben yokma aser sen ajak agi sen 4000 yokzük. Pai bilem yamai dangsa ayok nunga tepok sünga litettsü ta pai bilem. Yamaji süa mapang tatsüka nung pai nashi gari ka ali. Iba sülen gari tapu balala ana asem ali.

Küm 5 sülen America nung chiyongtsü ayoker tulutiba aküm. Ali tulu alia ki tajung sür jangratema ali. Parnok businessmen sentepaa meeting nung discussion agidang pa dang e-mail asüngdang. Pai ashi, ni e-mail maka, na e-mail malisür nai yimli tuluka yangertetogo (build an empire). Na e-mail ji ali asübo tang ya na koma lila? Iba mapangto kü ket nung e-mail ali asübo ni tangya office boy mapa inyaka lila ta pai langzü.

Reflection:

Asenoki asenji koma ka aginür yamaji yanglur. Asenoki teti-a tajung dang bilemstüla aser tamakok nem mekokdaktsütsüla. Meimchir ajaki tamakok angur, tesama ajurur, aibelener alanger. Shibai alangdangji mejanga kazüdir paji tamakoker, saka shibai alangba nungi saker jaja aoer aser tasü itshir, paji takoker taküm lir.

Yerimia 33:3. Kü dang ja-ang aser ni nü dang langzüksü aser miim mapa tulu koba nai memeteti ali nü dang ashitsü.

Lanur mapa bushirtemi tatishitsü tulu agitsü aser parnok ajongmesotsü atema asen nüburtemi mapa meranga inyaker. Mr. Imkümzükba, Asangma nem tenüngsang agütsütsü langa lir ama nibo bilemer. Pa ama ka nem Governor award/certificate agütsütsü lenmang teyutep nunga koma süla ta kü bilemba ka shidanger.

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir



May 3-7, 2017 tashi Kangtsung Baptist Arogo nung Kohima Ao Baptist Arogo(KABA)-i Father school agidang tangokba noksa ka angur. Iba sentong nung tebutem 50 tashi dena kanga temoatsü nung agiogo.

Chhattisgarh nung Khristantem Hindu dangi meyipdaksür Yisu külembaji aibelen ka ta süra, ni anogoshia iba aibelen menatsü : Kanesh Singh



(File photo)

Washington DC, May 23 (Agencies): India kübok Chhattisgarh nung ketdangsertemi tashiyim agi Khristantem Hindu yimsü dangi meyipdaksütsü meranger aser tashi mangartem yimjak nung maksüdaksür, saka tamangertemi kechi ajurudir ajuruaka tamangba yimsü memelenshitsü ta tekong meranga nokdaker.

Junwani yimtsüng nung Easter amungbaji ozüing alema inyakba mapa ka ta ketdangsertemi ozüing agütsü aser tashi mangartem dang senchi achi, ta International Christian Concern-i metetdaksü.

"Junwani nung aliba Khristantemi Yisu sülen anidakba atema khuret tuluba ajurutsü lir. Police-i parnok ola mangashir" ta idakji sannüker kati osangbener dang ashi.

Tamangertem rongnung Kanesh Singh ta ser arishi küm 55 tain tambur kati

ketdangsertemi senchi achitsü ozüing agütsüba anema nokdaker aser pai yimtsüng nung yimsüsürtem tsüing dang senchi indang ken o benok.

"Kü dang senchi achitsüsa ni kechia aibelena inyak. Ni kecha mauya. Ni tetsür shinga danga tashiyim agi mapa meinyak. Ni meraratep. Ni nisung shinga metepset" ta Kanesh-i ashi.

"Tenlaki dangi aoba aser Yisu külembaji ozüing alema inyakba mapa ka ta nenoki bilemra, ni anogoshia iba mapa inyaksü" ta pai yimsüsürtem dang ashi.

Junwani nungsa ketdangsertemi arishi küm 40 tain Somari Komra dang asüingdangya asü aser parnoki pa yim tiyong nung nokdakdakja merenshi.

Pai ashiba agi, pa temang nung aser tekolok nung timtema aru saka nisung shingaia pa nem teyari magütsü.

Ajisüaka, pa tenlakidang aoba sülen Yisu-i pa nem taneptsü agütsü. Anungji pai senchi aser

tanga temerenshitemjiang arentsü saka tekülem sentepibo aotsü, ta ashi.

Pa tenlakidang meyoknüra, ketdangsertemi pa temang atema tebilemtsü abentsüla ta Komra-isa shisem.

Ketdangsertemi tashiyim agi kibong 15 tashi Hindu yimsü dangi meyipdaksü.

Yimdaklir kari odiodia Khrista dak amangba indang kuli agütsür saka ano karbo miima dang külemer.

Parnok rongnung Shivaram Tekam ta ser nisung ka lir aser pai ashiba agi, "Easter Sunday sentep nung adentsü atema pai ketdangser nem an ana, yi pongdang ka aser sen 551 agütsü."

"Parnoki ni tenlakidang moudaksüi nokdangtsü akok saka parnoki kü mulungjang nungi Yisu bo bener moutettsü. Ni miima tenlakidang arutsü" ta Tekam-i sannüker dang ashi.

"India ajungalen, telungpurtemi arogo mapa inyakertem amokmerener aser tepseter. Talila bilemloka oa amangertemi tashiyim agi Khristantem Hindu yimsü dangi meyipdaksür. Parnoki tenlakitem nung bomb pokdaksür, raksatsür aser bensatsür" ta International Christian Concern chief executive, Paul Robinson-i metetdaksü.



May 21, 2017 nü Nagaland Home Minister, Y. Patton-i Yimkha Baptist Church, Wokha tenlaki tasen meshitetba sentong nung o jembidang agiba noksa nung angur.

ANOGO ABEN TSÜNGREM DEN

BARABBA SHIMBA LUKE 23:13-24

Khrista masü Barabba! Taküm agütsür masü melen taküm raksatsür shim! Nüburu ibaji shim; aser iba shimba jagi kü taküm nung aiben tarak kettsür aser teraksa adokdaksür.

Kodang ni tatok agütsüba masü mang ayangtsü shimtetdir, ni Khrista masü Barabba sapur kechiaser mang ayangba jagi tepseter, tatok agütsüba jagi anebtsür, aser nisung kümzüker. Saka ni kwiben taneptsür kangkidongi yoker, aser nisung tepseter süngküm nung agizüker!

Kodang temeshiba matsüing dang ni shi jangraba shimdir, ni Khrista masü Barabba shimer kechiaser shi jangrabaji teraksatsür aser nisung tepsiter lir aser temeshibai ni taochi agi tebur junga sobutsütsü ataa alir. Saka ni kotak tenyar noktanger aser shiruru nem kü kishi lapoktsür.

Tamajungbai teti kü mapa aginer aser tamajungbaji tetenzük nungi nisung tepsiter lir. Ni tamajungbaji sapua mali asübo, ni kü Kibur kangki nung angenloktsü meyoki lila, aser yimjak nung taochi makai mak südaktsütsü meyoki lila.

SARASADEM:

Ni memeshiba shimba asoshi, nisung tepseter sapuba asoshi sarasademer, Kü dang tokang, Kibuba! Amen.

Val Kilmer-i pa cancer nungi taneptsü anguba metetdaksü



Los Angeles, May 23 (Agencies): Actor aser artist Val Kilmer-i taoba hopta osangbener den pa indang tamangba yimsü aser temeim agi pa 'oral cancer' nung taneptsü anguba osang lemsatep.

Val Kilmer-i aiben yimjak nung pa oral cancer agi mekangshir ta shia aruogo saka tatem nung pai pa sapurtem sarasadem, tamang aser temeim agi pa cancer nungi taneptsü angu ta metetdaksü.

2015 küm Val Kilmer dak cancer aliba putet. Pa ya Christian Scientist ka lir aser pai Reddit "Ask Me Anything" session nung iba dak sendakba osang ajak metetdaksü.

"Alima tesem balala nung ni atema sarasademtsürtem aser temeim lemsatepertem ajak dang kanga pelar. Nisungtemi ni Christian Scientist ka ta kanga junga meteta lir. Alima nung nisung aika sarasadem ajanga tashidak nungi taneptsü nguogo aser aika tanü-asüing adokba mozü tajungtem agiaka, taküm samaogo" ta Kilmer-i ashi.

"Ni mozüki nung alidang doctor aikati ni atema sarasademtsü. Ni Dr. Bernard Lown den ajurutep aser pai kü dang mozü tongtipangbaji temeim lir ta ashi. Ajak dang nungi temeim agi taneptsü angur ta pai kü dang ashi" ta paisa shisem.

Val Kilmer ya Los Angeles, Calif. Nung soa intet aser pa Berkeley Hall School nung azüing. Iba school ya Los Angeles nung Christian Science school ka lir aser idakji class 9 tashi azüingba sülen pa Chatsworth High School nung azüing.

"Ni tamanger ka lir. Ni kü nüngdaktem atema sarasademer. Ni Deobar shia Laishiba azüinger. Kü taküm piyong ni Laishiba zünga arur" ta paisa ashi.

"Yisu-i par nütsüingtem dang temeim indang tashi angateta temang aser tekolok nung taneptsü agütsütsü sayu" ta Kilmer-isa shisem.

Kilmer ya tang Citizen Twain film nung American literary icon Mark Twain ama shilem tagidak lir.

OLONG PAITEP # 4430

1			2		3				4	
							5			
6		7								
				8		9		10		
	11									
12										
					13					
				14			15			
16										
								17		

- | | | | |
|-----------------------------|-------|--------------------------|-------|
| TIPIEN | | LANGTSÜNGLEN | |
| 1. Tajinütsü / Akhüm aketba | - (4) | 1. Merila-i azü ajem | - (5) |
| 5. Tebilemba oren züluba | - (4) | 2. Alima nungi pila-a ao | - (3) |
| 6. Shisatsü agütsüba shilem | - (7) | 3. Nuchi masu | - (4) |
| 10. Talangka mao | - (3) | 4. O jembiba shilem | - (6) |
| 11. Apidang / Shisadang | - (9) | 7. Ki mapa inyaksü ayuba | - (5) |
| 12. Tera | - (3) | 8. Tsük asepa oset | - (3) |
| 14. Chir anungba | - (7) | 9. Yamaji / Ajita | - (3) |
| 16. Sungdang / Mechi | - (4) | 10. Anameta | - (5) |
| 17. Azüngteta aliba li | - (4) | 11. O tali jembir | - (6) |
| | | 13. Tarutsü indang ashi | - (4) |
| | | 15. A _ _ _ en | - (3) |

OLONG PAITEP # 4429 TELANGZÜBA

- | | | | |
|--------------------------------|--|---|--|
| TIPIEN : | | LANGTSÜNGLEN : | |
| 2. Kangki, 6. Yiru, 7. Chitem, | | 1. Taochi, 2. Kiti, 3. Inyakpet, | |
| 9. Küm, 11. Ola, 13. Tatong, | | 4. Korem, 5. Nma, 8. Tejangja, | |
| 15. Sang, 16. Atishi. | | 10. Angsem, 11. Ojala, 12. Ata, 14. Oagi. | |

Agüja aliba OLongtem bushiang

ALBONDUR
AMERICA
CANOE
COLONY
COOK
COSS
ENGLAND
FALL
FAMILY
FEAST
FREEDOM
GRAVY
HARVEST
INDONESIA
JOHN CARVER
LONGHOUSE
MAIZE
MEXICAN
MAYFLOWER
MILES STANDISH
NEW WORLD
PATRIOT
PIE
PLUMING
PLUMOUTH
PUMPKIN
PURITAN
SAIL
SAMOSET
SETTLERS
SIXPENCE
SQUANTO
SQUASH
STUFFED
THANKSGIVING
TREATY
TURKEY
VOYAGE
WIND

G	O	L	S	S	K	I	M	D	L	C	O	Z	I	S
A	N	P	Q	B	H	F	I	O	Z	O	B	A	K	E
S	M	I	X	F	U	S	H	L	S	K	L	G	D	U
T	E	E	O	A	J	A	G	E	O	E	O	N	A	C
U	U	T	B	M	T	U	N	I	U	Q	M	O	G	L
F	N	H	T	I	D	O	I	T	S	R	Y	E	C	M
P	I	T	R	L	C	S	V	M	O	S	P	I	C	A
I	K	U	Y	E	A	I	C	O	N	A	L	P	I	E
N	F	O	R	M	Z	R	G	L	L	A	T	O	P	Z
G	M	L	E	G	I	S	I	R	I	U	N	Z	E	T
T	U	Y	F	L	V	N	K	A	O	D	K	G	L	R
E	P	L	E	A	R	N	S	W	N	E	H	U	M	R
S	N	F	Z	T	A	F	A	K	W	I	T	O	V	O
O	A	G	B	R	E	S	H	C	E	H	O	U	D	E
M	M	I	L	E	S	T	A	N	D	I	S	H	E	Y
A	V	O	Y	A	G	E	Z	R	Y	H	Z	E	G	E
S	U	J	M	T	N	M	A	Y	F	L	O	W	E	R
G	R	A	V	Y	S	O	K	W	O	U	I	J	C	F




TANÜBO NAI LANGZÜANG

- Q. International Day for Biodiversity (IDB) 2017 atema omenji kechi?
- [A] Convention on Biological Diversity
 - [B] Biodiversity and Sustainable Tourism
 - [C] Invasive Alien Species
 - [D] Biodiversity and Agriculture
- _____ (Taruba adok nung onoki langzüsü)
- YASHI ADOK TELANGZÜBA : United Nations High Commissioner for Refugees (UNHCR)

Tanur asoba anogo nung salem osang den noksa angat adokdeksünüra - Tenüng, Küm, School, Taidak & salem osang tejanga zülur, noksa (photograph - any size) ka den anogo 3 mesüra 4 jela. e-mail : tiryimim@gmail.com nung yokang mesüra Tir Yimym bureau tem nung agüjang.

Tepela Tasoba Anogo



1. Tenüng :
2. Tasoba anogo:
3. Küm : 4. Class :
5. School :
6. Talidak :
7. Salem osang :

NAIA YA METETER MA

'Good Morning' Squad



Moapu nung scü kozüba nokdangtsü atema koba Maharashtra state sorkari "Good Morning" squad tentettsü atema telemtetba agiogo. Maharashtra sorkari state kübok district aser yimtsüng ajak nung 'Good Morning' squads tentettsü. Item squads nung lokti tentet balala, self-help groups, melungtet teloktem, kaketshirtem aser lokti atema inyaker züngsemtem densemstsü. Parnokisa kibok shia nung metsümeshidak ali-mali mita reprangtsü.

SUDOKU # 3542

TELANGZÜBA # 3541

3			9	2	5		7	1	7	3	9	6	2	4	8	5		
5	9							9	2	6	5	8	4	7	3	1		
4		1		5				5	4	8	1	7	3	2	9	6		
	7				8	4	9	3	7	8	5	3	9	6	1	4	2	
			7		5			6	2	6	1	8	4	7	9	5	3	
				1	9			7	5	4	3	9	2	5	1	8	6	7
6								4	6	5	7	4	2	9	3	1	8	
	5		8	7		9	3		3	9	2	6	1	8	5	7	4	
	1	3					5		8	1	4	7	3	5	6	2	9	

OJANG LUTEP # 4035

- NAMETG :
- EANAM :
- ASITÜLA :
- AMATE :
- PAGANM :
- KASDIH :
- UNGN :
- STNOYGÜCIH :
- GUNAJT :
- LACATIHSÜ :

OJANG LUTEP TELANGZÜBA # 4034

ASEN LIMA NUNG GARI LENMANG
MEJUNGAKA GARIBO TAJUNG AIKA LIR

Anü ita petinu ajanga alima nung tsüngsang mopung melenshidaktsüba ama nisunger tia-a melenshidaktsür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):

- Aries** 21/3-19/4
Tanü nai jembishinüba nung tetsükdaktsü ajurutsü südi. Mapa inyakba nung nai aiben kisüng inyaktsü jangrar saka tanü bo nai tangar dang shisa agiang.
- Taurus** 20/4-20/5
Tanü nai tangar den aiben jembishinü masütsü meranang. Tetsübu agi masü saka nai mapa nung takok angutsü bilemang.
- Gemini** 21/5-20/6
Tanü na lokdi nung shilem magitsü saka nai inyakba mapa nung tetsükdaktsü ajurutsü. Nai tangar den jembishinütsü jangratsü saka iba ajanga na tajangzük mangutsü.
- Cancer** 21/6-22/7
Na tangar den tesendaktep aliba kümzüka ayutsü asoshi nai jembishinütsüla aser angatettsüla. Nai temolung nung kicha meyima ayutsü temerang.
- Leo** 23/7-22/8
Tanü nai tangazükba kar ngutettsü merangang. Nüngdakba dang tali nai jembir. Nai maneni tanger den sensaksem akatsüla aser tangari na yaritsü.
- Virgo** 23/8-22/9
Nai kisüng mapa inyaktsü bilemra timtem ajurutsü südi. Tongtibang mapa kar nung shilem agiang aser tangar den sensaksem alitsü merangang.
- Libra** 23/9-22/10
Tanü nai ajem ajema alitsü merangang aser alima yimya repringang. Nai tangar buatsü akokba ajanga parnok takum nung nai shilem tulu agitsü lir.
- Scorpio** 23/10-21/11
Tanü nai anisüngzüka alitsü bilemstsü. Nai mapa tali inyakba aser o tali jembiba ajanga nai aiben timtem ajurur.
- Sagittarius** 22/11-21/12
Tanü na anisüngzüka alitsü. Nisung aikati lokdi balala nung shilem agitsü bilemstsü, saka na bo süngjema alitsü merangang.
- Capricorn** 22/12-19/1
Nai aiben tangar dang nungi mapa tali inyaktsü meranger. Saka tanü bo na anisüngzüka ali tajungba asütsü.
- Aquarius** 20/1-18/2
Tanü na lokdi nung sadok-sadoka nokdaktettsü. Mapang ajak nung nai tangar den angatettepa mapa inyaktsü tamakoktsü, anungji tanü na anisüngzüka liang.
- Pisces** 19/2-20/3
Tanü nai mapa meranga inyakang aser tangari ashiba ajungabo mangatsüla. Nisung kar-i nai maginütsüsa o jembitsü südi, saka nü mapa nung takok angutsü.

Ingrid Bergman film nung Chastain-i shilem agitsü



Mumbai, May 23 (Agencies): Yash Raj Films Entertainment-i produce asüba movie ka nung Academy Award nominee 'Jessica Chastain'-i screen icon 'Ingrid Bergman' shilem agitsü asoshi cast süogo. YRF-i Hollywood actress aser lar company- Freckle Films den 'Seducing Ingrid Bergman' movie yanglutsü asoshi longjemogo. Iba movie ya Chris

Greenhalgh-i 2012 küm asoshi Jessica Chastain ya züluba otsü kaket nung tetemsü lir. Film nung ajemdaker yanglutsü. Iba otsü ya Bergman aser war photographer Robert Capa na meimtepba otsü ka lir. Dena tesendaktep WWII temli Paris nung tenzük aser iba sülen 'McCarthy Communist witch hunts' mapang dena Hollywood-i ao. Bergman ya Swedish tsür lir. Lai Academy Award asem, Emmy Award ana, Golden Globe Award 4, BAFTA Award ka aser best actress shilem nung Tony Award ka ngua lir. La 'Casablanca' film nung 'Ilsa Lund' ama aser 'Alicia Huberman' ama 'Notorious' film nung shilem agiba ajanga ajaki tali jangja aküm. "Seducing Ingrid Bergman nung shilem agitsü

'American Idol' atema Katy Perry nem sen million \$25 taa agütsütsü

May 23, 2017 (Agencies): 'American Idol' nung Katy Perry tetendanger asütsü aser iba asoshi taa sen million \$25 agütsütsü.



'Chained to the Rhythm' ken atenla ya iba 'American Idol' tenzükshiba nung tetendanger ka asütsü asoshi ABC ajanga taoba hopta sangdonga liasü aser arishi küm 32 tain, Katy Perry nem iba mapa agütsütsü asoshi ABC ketdangsertem temolung lema lir. "Katy dak iba mapa inyaktsü tashi peria lir. ABC ajanga iba show nung la tenüng meteni sangdongra parnok kanga akoksatsü," ta osang ka ajanga ashi. 2012 küm-a iba sentong nung tetendanger ka asütsü asoshi la nem taa sen million \$20 agütsü, saka lai iba mapa magizük. Osang ajanga ashiba agi, iba sentong nung host, Ryan Seacrest-a tanaben iba sentong

nung shilem agitsü asoshi maparen inyaktepba mapang lir. Taoba 'American Idol' season ka nung pa nem taa sen million \$15 agüja liasü. Taruba küm iba sempet aketer toktepba sabang nung tetendanger anitsü maangka anguba ajanga pelar aser tushia bilemer, ta 'Dark Horse' ken atenla-i taoba mapang shia liasü. "Ni 'American Idol' nung tetendanger ka asütsü asoshi mezüng shimtetba asoshi kanga pelar aser tushia bilemer. Iba sentong ajanga yimya balala aketer aser sempet tajung alir aika pungmang tem asangsang kumdaktsütsü maangka ngutetba asoshi kanga pelar. Ni teti ken tasen angar aser longsang nungi sentilong bushitettsü jangrar - lanur kentener nem shisa agüja mesüra kü indang tour nung parnok anir senzütsü, ni parnok kentenba nung tanaben anir arunür," ta Katy Perry-i shia liasü. "Katy lenisüba nung 'American Idol' sentong tasenba tenzükshitsü asoshi kanga pelar. La taküm nung takok konangtem ajanga parnok den jembitsü. Tarutsü putu asoshi kentener tasen adokdaksütsü asoshi tashi tait aser sempet tajung aketer nisung ngutetba asoshi tia ka-a bilemer," ta ABC indang entertainment President, Channing Dungey-ia shia liasü.




May 22, 2017 aonung France kübok 70th Cannes Film Festival nung "Geu-hu" (The Day After) film Director Hong Sang-soo (abelen nungi tasembuba), Director of photography Kim Hyung-koo, cast members Kim Sae-byuk, Kim Min-hee, Cho Yun-hee aser Kwon Hae-Hyo nungertem Red Carpet Arrivals Cannes nung tangokba noksa angur.

TAN HOPTA ATEMA - KOMA SÜLA ?

Q Nagaland nung senzüba taxi aser auto rickshaw ajak ya Naga nungertemi dang anitsüla ta ozüng kuma latet nunga koma süla?

Olong 20 shi nung May 26, 2017 tashi nung iba telangzüba ya onok dangi e-mail - tiryimiyim@gmail.com mesüra SMS - 9856121232 / 9436072422 mesüra Tir Yimiyim Facebook account ajanga yokang. Telangzubatemi taruba Hokolbar nü adoktsütsü.

Pahuna film trailer sayaogo



Cannes, May 22 (Agencies): Actress-producer Priyanka Chopra indang Sikkimese film Pahuna tang temongdak Cannes Film Festival nung mezüing shilem asyaogo.

Iba film ya Priyanka aser tetsü Madhu Chopra na meyong Purple Pebble Pictures company ajanga produce asütsü.

Iba sentong nung Priyanka metentet saka Madhu aser la chir Sidharth Chopra na Pahuna film trailer sayaba nung shilem agi. Iba film ya Paakhi A. Tyrewala-i direct asüba film ka lir.

"Iba nüngtugu benjungmong nung film trailer sayatsü asoshi maongka anguba atema Pahuna nung shilem agirtem

ajak atema maongka tulu liasü," ta Madhu-i ashi.

Pahuna film otsü ya Nepali nunger tanur asem indang temeim, tashi aser tasüitba sayuba otsü ka lir. Maoist agitation mapang Nepal nungi Sikkim-i ajenba mapang tanur asem ya tsürapur nungi pilaa liasü. Iba film nung shilem agirtem aika Sikkim nungi lir.

"Küm 13 tejakdang ni Darjeeling aser Gangtok semdangba mapang parnoki ni par nisung ama dang mela mela agizük. Iba sülen ni ainer ka ta amadok aser tenem lima ya ozü ki ama bilem tenzük aser iba tebilemba tang tashi memelensi-i lir," ta Tyrewala-i ashi.

"Pahuna film nung ni Sikkim lima tebur ajung dang masü saka idakji aliba nisungtem tebur ajungba sayunüa liasü. Kü nüklaji Sikkim Bollywood-i bener aotsüba masü saka Bollywood ang Sikkim-i bener arutsübaji liasü," ta paisa ashi.

Indian Film 'All I Want'-i award ana angu



Cannes, May 23 (Agencies): Cannes Short Film Showcase, Beyond Borders Diversity nung Indian film director Venika Mitra-i direct asüba film 'All I Want'-i award ana agizükogo. Cannes Short Film Showcase ya 70buba Cannes Film Festival nung pa kicha sentong balaka lir.

"Venika Mitra indang short film 'All I Want'-i Diversity of Cannes Short Film showcase nung award ana agizükogo. Iba tetushi award agizükba ya India nunger film rongnungi mezüingbuba lir," ta Iba film sound nung shilem agir, Resul Pookutty-i tweed asü.

"Ni General Showcase category nung Audience Choice Award agizük aser iba film ajanga General Showcase category-a kokogo. Iba ya independent film festival ka lir," ta Mitra-i email ajanga osangbenertem nem osang agütsü.

Iba tetoktepa nung linük 30 nungi film 231-i shilem agi. Item rongnungi General Showcase category atema film 6 dang shimtet. Film 6 rongnung India, Greece, China, Canada aser US nungi film tem liasü.

'All I Want' otsü ya yimdong

nung dang aliba tanur; Ratan-teti ka alitsü asoshi bendanga agütsür pa tebilemba nungi masetshi nükjidong ka yur inyakba otsü ka lir.

Iba film yanglutsü asoshi kodaser molungtet ta asüingdang dang Mitra-i ashiba agi, "Ni teti achitsü kanga jangraba ajanga iba otsü yanglutsü molungtet."

"Kenü anogo ni ozü kilir nem Mumbai nung lar jala atema langka alitsütsü asoshi sen agütsü. Lai kü dang sen agütsüba dang nungibo teti alitsütetsü akoktsü makoktsü ta asüingdang. Iba ya angashia ni kanga aoksa. Mumbai nung teti ya kanga dalang aser bulua angur ta ni bilem. Lai kü dang ashiba agi, kü asohibo teti alitsüji dalang asütsü akok saka la asohibo masü ta langzü. Iba ajanga teti koba kü asohibo kanga jenjang maket aser angutsü asoshi tasak masü, iba ya ozü kilir atemabo angutsü asoshi tasak lir ta ni shisatet. Yamaji iba tatalokba dak ajemdaker ni teburchanu ka teti ka alitsü asoshi sen bushiba nung teimtem tekangshi ajuruba aser pa temolungtetba indang otsü ka zülü," ta lai ashi.

Nokia 3310 mesüka yangluba Darago 3310 sen 799 agi ayoker

May 23, 2017 (Agencies): Nokia 3310 mesüka yangluba Darago 3310 phone ya sen 799 agi ayoker. Nokia 3310 ya tamalen yangluba phone menongra yangluba ajanga iba phone jenjang ya sen 3,310 agi ayoker. Nokia 105 ya sen 1,200 agi angur aser Nokia 3310 atema sen 3,310 ya talia ta bilemra Darago 3310 ya sen 799 agi alitsü junger.

Darago 3310 ya phone ayokdak store nungi aser Flipkart nungia alitetsü. Iba handset indang display ya inch 1.77 lir aser colour nung angutsü. Iba phone indang RAM ya 1MB lir microSD ajanga 8GB tashi inoka amshitetsü. Iba phone indang



tesülen aliba camera ya 0.3 MP VGA aser SIM ana inoka amshitetsü.

Nokia 3310 aser Darago 3310 ya tereprangtsü nung kasa

amai lir aser phone anaprong indang features ya kasa dang lir.

Nokia 3310 ya Mobile World Congress 2017 (MWC) Barcelona, Spain nung alidang Nokia 3, Nokia 5 aser Nokia 6 nunger den külemi sayua liasü.

Nokia 3310 indang operating system ya Series 30+ lir aser SIM ana amshiteter. Iba phone camera ya 2-megapixel aser inbuilt storage ya 16MB lir. Iba phone indang internal storage ya microSD ajanga 32GB tashi inoka amshitsü akoktsü.

Nokia 3310 (2017) ya store nung angur. Iba phone nung Snake game inoka lir. Iba phone nung 3.5-mm headphone jack aser FM player amshitetsü.

Ariana Grande kentenba sentong tembangba sülen bomb ka apok

May 23, 2017 (Agencies): Kiralongrar maparen ka asütsü ta temolung melemi bilemba maparen ka nung, Manchester kübok stadium ka nung bomb ka apokba sülen nisung 22 shi asü aser parnok 50 shi yiru. Iba tatalokba ya Grande kentenba sentong tembangba sülen aonung 10:35 ako nung atalok.

Kentener Ariana-i tanga nüngtugu nisungtem aser yimten yimsüsertem den külemi iba tatalokba angashi aoksaba aser sasaa bilemba lemsatapa liasü. "Kü temolungjang taroktiba nung kanga jashir aser iba ya rasaa ashitsü asoshi o kecha mali," ta lai tweed asü.

Queen kentenba telok nung züingsem Brian May-ia iba

osang angashia aoksaba aser jashiba lemsateba liasü aser pai asü kibongtem ajakden asükhu lemsatap.

"Manchester nung aliba medemertem aser mangyim nung aliba kibongtem ajak den kü temeim lemasteper. Iba osang angashia kanga jashir aser taoksatsüka lir," ta May-i zülutsü.



Chandigar, May 23 : Mongolbarnü Chandigarh nung Duster petrol tasenba sayaba mapang Renault, Executive Vice President Bruno aser Reault India, GM Gagandeep nunger tangokba noksa nung angur.

Noida nung Paytm Payment Bank sayaogo



New Delhi, May 23 (Agencies): Digital amshia senotsü tsütateptsü asoshi Payments Bank ka tanü Noida nung sayaogo aser osang ajanga ashiba agi, iba Paytm Payment Bank indang saving accounts nung sen inoka ayur nem tetemlok shilem pezü nung agütsütsü südi.

Payment Bank nung account lapoker sen 25,000 junga inoka ayur costumer million ka nem sen 250 itanyongjisa meyiba agütsütsü, ta Paytm ajanga sangdong ka nung ashi. Tanga bank nung ama minimum balance ayutsü iba Payment Bank account nung menüingdaker aser online ajanga senotsü transaction asüba nung taa magitsü.

Airtel aser Indian Post sülen Paytm ya linük nung payment bank lapoker telok tasembuba kümogo.

"Paytm Payment Bank atema RBI nungi tatempangba licence anguba osang onoki pelashishia nenok den lemsateper aser iba Paytm

Payment Bank nung CEO ji Renu Satti asütsü," ta company ajanga sangdong.

"Paytm Payment Bank indang nükjidong ya linük nung tajemzük tia nung alirtem nem nüngdakba teyari agüja rongsenketsüing nung terenlok agütsütsü asoshi lir. Iba Paytm Payment Bank ya nübur ajanga nem tekaraba nung agütsütsü onoki imlar," ta parnoki shisem.

Paytm indang kibur ya One97 Communication Ltd lir aser Reserve Bank of India (RBI)-i melaba ama inyaktsü.

Iba payment bank nung tang tamshidak wallet service amshitetsü aser permanent bank account tasen agütsütsü.

Iba payment bank nung account lapoktsü asoshi Paytm ajanga linük nung tesem balala nung KYC centre amenloktsü.

Paytm Payments Bank account ya mezüingbo 'invite-only' nung dang angutsü. Mezüing shilem nung company ajanga iba company nung mapa inyaker aser sendaktepa alir nem 'beta banking app' agütsütsü.



May 23, 2017 nü New Delhi nung Union Home Secretary, Rajiv Mehrishi menden sür Amarnath Yatra atema senden ka amendang agiba noksa angur.

Jeep gari nung alenloksangji lung agi aonertem lennir liasü: Major Gogoi Indian Army-i tashiyim agi mapa inyaker ta Kashmir nungertemi aitsür

New Delhi/Srinagar, May 23

(Agencies): Chief of Army Staff (COAS) commendation card ka agütsüba sülen anogo ka lir Major Leetul Gogoi-i osangbener den sensaksem dang, pai Kashmir nung nisung ka jeep indang bonnet nung alenlokbaji lung agi aonertem rongnung tanishisang liasü, ta ashi.

Mongulbarnü Major Gogoi-i osangbener dang ashiba agi, iba anogo Indo-Tibetan Border Police (ITBP)-i pa dang Bandipora nung nisung 400-500 shi kati sepaitem dak lung agi aoner ta osang metetdaksü.

Iba osang angazükba sülen pa minute 30 tsüingda tesem tonga ao aser ITBP jawan den yaritepa tensaji azüok.

"Lung agi ona lungkak aiterem jagi police station tem rongdoktsütsü merang. Ni loudspeaker ajanga parnok dang lung agi maontsü mepishi aser police temji kümzüksü merang, saka lungkak aiteremi kü temepishiba magizük," ta paisa

metetdaksü.

Jeep gari nung alenloksang Farooq Ahmed Dar ji telok nung lennir liasü aser onoki pa arshia aoba sülen apu. Ni telokji senshidaktsütsü merang saka parnok mesenshi. Aji agi ni Farooq jeep gari nung alenlok aser ibaji ajanga dang lungkak aiterem azüoktet. Iba inyakyim ajanga nisung aika taküm kümzük, ta Major Gogoi-isa shisem.

Külen, Indian Army tanishisangi Major Gogoi nem sempet agütsüba anema Kashmiri nungertemi ola adoker.

Human rights activist Khurram Parvez-i ashiba agi, rara nung ozüing alema inyaker tem nem army-i tenüngsang agütsüba tang mezüing masü, saka tesüiba küm 30 tashi Kashmir nung ataloka arur.

"Indian Army-i bushisüing dang mesüra ozüing hao ta mali. Parnoki reshikangshiba mapa maneni inyaknür" ta Association of Parents of Disappeared Persons (APDP) tanishir

Khurram-isa metetdaksü.

"Army Major nem sempet agütsüba ajanga Kashmir nung dang centre sorkari maneni nenok den tashiyim agi mapa inyaksü ta osang sangoktsür" ta paisa shisem.

Jammu & Kashmir state sorkari Army ketdangser anema ken o ka benoka lir. Parnoki 1949 Geneva Convention nung ajemdaker iba inyakyimji 'war crime' ka lir ta ashir.

Kashmir Police tekolak Muneer Khan-i ashiba agi, Gogoi anema FIR benokbaji magientsü aser maneni bushisüing dang asütsü.

London nung alir Kashmiri kaketzülur Mirza Waheed-ia Twitter nung army ketdangser nem India nung gallantry award tematiba agütsütsü ta anemsü agi metetdaksüogo.

"Kasdangser nem commendation ka dang agütsüba aibelen inyaker. Sü ataker ka meimchir jung ama amshib atema pa nem Param Vir Chakra agütsütsü" ta Mirza-i ashi.

UP nung tatidang asoshi Aadhaar number compulsory akümstsü

Lucknow, May 23

(Agencies): Board exams atema tatidang form fill up asüba mapang Aadhaar number inoksemsü asoshi UP Board of Secondary Education-i compulsory küm daksüogo.

Iba sentong ya tiyazü tenüing züingoksema aser form fill up asüba nokdangtsü nükjidong nung tenzük.

"Sorkari kaketshir ajak nem parnok nija maitsü kaka agütsütsü mechi nung Aadhaar den sendaktepner aser iba ajanga


class IX aser XI nung ashioktsütsü meranga tenüing züingoksema aser class X aser XII nung mejangjai form fill up asübatem nokdangtettsü," ta UPBSE secretary Shail Yadav-i ashi.

District inspectors of schools (DIOS) ajak dang kaketshirtem online ajanga registration aser tatidang atema form tem fill up asüba mapang parnok Aadhaar details aser U-DISE code inoksemsü asoshi tetuyuba agütsüogo. Iba tetuyuba ya UP Board kübok sorkar meyong

school tem aser nija school tem ajak asoshi lir.

"Chichiba Aadhaar number amshiba ajanga Up board tatidangtem nung teyazü tenüing züingoksema aser tangar melena tatidang agütsütsü asoshi kecha lenmang madoktsü," ta yadav-isa ashi.

Taoba mapang Chief Minister Yogi Adityanath-i tatidang agiba maparen nung aibelenba ajitetra nüburtemi metetdaksütsü asoshi WhatsApp number agüja liasü.



May 23, 2017 nü New Delhi nung Minister of State for Development of North Eastern Region (I/C), Prime Minister's Office, Personnel, Public Grievances & Pensions, Atomic Energy and Space, Dr. Jitendra Singh-i taoba küm asem tsüingda sorkari inyaktetba mapatem indang E-booklet ka sayatsü dang agiba noksa angur. Noksa nungsa Secretary (DoPT) B.P. Sharma, North Eastern Council (NEC) Secretary, Ram Muivah, Principal Director General (M&C), Press Information Bureau, A.P. Frank Noronha nungertem angur.

Sukhoi-30 tayimtsü ka China arrtsü anasa sama

New Delhi, May 23

(Agencies): Sukhoi Su-30 jet ka nung Air Force pilot ana mener tanep Assam Tezpur anasa China arrtsülen yimzüba mapang sama ta Air Force-i osang metetdaksü.

Parnoki ashiba agi, iba tayimtsü tanep 9:30 ako meta apuso aser China arrtsülen Arunachal kübok Doulasang tesem nung sama.

Pilot tem den tatebangsa osang agitepbaji 11:30 ako meta liasü aser iba mapang tayimtsüji north Tezpur nungi kilometre 60 shi pilar liasü.

Tezpur Air Force station ya China arrtsü nungi kilometre 172 pilar lir.

Sonitpur district Deputy Commissioner Manoj Kumar Dekai ashiba agi, iba tayimtsü

bushi tenzükogo.

Sukhoi Su-30 ya Russia nungeri yangluba tayimtsü lir. Iba tayimtsü ya tsüingsang ajak nung anishitettsüba, air-to-air aser air-to-surface mission atema twin-engine inoka yangluba tayimtsü ka lir. Su-30 tayimtsü ya IAF puri 1990s tatemlen nungi amshi tenzük.

Iba tayimtsü amshi tenzükba nungi tang tashi nung 6 bo tsükokogo. Tayimtsü tsükokba dak sendakba nung bushisüing dang nung technical failure ajanga tayimtsü tsükoker ta bushiteta lir.

Taküm March ita Rajasthan, Barmer air base anasa Sukhoi-30 tayimtsü ka tsükok, saka pilote anaprongla iba lendong nung tasütsü nungi jenbua liasü.

Ni Africa atema tongti süa inyaker: Modi



Mongulbarnü Gandhinagar nung Prime Minister Narendra Modi African Development Bank 52 buba senden nung o jembidang agiba noksa angur.

Ahmedabad, May 23

(Agencies): Mongulbarnü Prime Minister Narendra Modi-i India aser South Africa tsüingda tesentaktep tajungba akümba atema tenüngsang agütsü aser paisa ashiba agi 2014 nungi pa prime minister inyakba sülen Africa atema kanga tongti süa bilema inyaker.

Gandhinagar nung African Development Bank (AfDB) indang 52 buba senden nung o jembidang Modi-i "linük ana tsüingda tesentaktep tajungba kuma arudar aser India-i maneni Africa den agriculture, infrastructure, power aser industry tsütsü yariteptsü" ta metetdaksü.

"Tesüiba küm 15 tsüingda India aser Africa tsüingda shishilembaba jenjang kanga junga kümogo. Tesüiba küm 5 tsüingda Africa den \$72 billion tashi shishilembatepogo. Tesüiba küm asem tsüingda India minister temi Africa nung linük ajak semdangogo. Ni 2014 nung prime minister inyaksü tenzükba nungi, ni Africa ji

India'er foreign & economic policy atema tongtiba küm daksü" ta Modi-isa shisem.

India aser Africa linüktem nung tayongzükba balala ajuruba indang jembidang, India-i aluyimertem, sensaktia, yimtsüingtem renloksü aser infrastructure wadangtem nung maneni yaritsü, ta Prime Minister-isa ashi.

Tesüiba küm asem tsüingda India nung pai aniba sorkari inyaktetbatem indang ashidang, "sorkari 2022 tashi nung aluyimertemi züsentetba anasü agi teimba küm daksütsü atema mapatong ka tenzükogo aser yimtsüing ajak nung electricity agütsütsü atema mapa inyaker" ta Modi-isa metetdaksü.

"Sangküm tashi nung India nung yimtsüing ajak nung electricity alitsü. Clean Ganga, Renewable Energy, Digital India, Smart Cities, Housing for All aser Skill India mission tem ajanga India tasen ka akümstsü aser azükaru aser terenlok aliba linük ka akümstsü" ta paisa shisem.

Manchester nung bomb pokloktsüba ya Islamic State temi inyak ta sangdongogo



Hombar nikongdang Ariana Grande indang concert nung bomb pokloktsüba sülen Manchester Arena telung nung nisung yirur aliba noksa nung angur.

Manchester, May 23 (Agencies): Hombar aonung Manchester nung Concert ka nung bomb pokloktsüba mapang tanur densema nisung 22 asü aser nisung 59 yiruba lendong ya Islamic State (IS) teloki inyak, ta sangdongogo.

"Caliph atema rarar kati nisung aika atenshia aliba tesem nung bomb pokloktsü," ta iba kiralongrar telok ajanga social media nung inoktsü aser anu maneni amaktsü, ta amokmeren.

Iba lendong adalokba dak sendakba nung arishi küm 23 tain tebur ka South Manchester nung pua lir, ta British police ajanga ashi.

Iba lendong adaloktsü ghonga ka agi jelia lia ISIS busemer südi ta temolung melemtetba nisung kar-i iba lendong indang Tweeter nung metetdaksü, ta osang ajanga ashi.

Nüngtugu kentener, US tsür, Ariana Grande-i nisung 21,000 asemtsüsa Northwestern England nung aliba Manchester Arena nung concert agütsüba atemdang iba bomb pokloktsü aser iba tesem nungi kentener saburtem lanur aika tetsübu nung jenshi.

Aonung 10:33 ako meta nisung kari iba lendong adalokba osang agütsütsü asoshi police dangi call asü, ta yimti nung ketdangsertemi ashi.

Iba bomb ya stadium telungi aiba anasa apok, ta police temi ashi.

Iba stadium telungi aiba lenmang anasa ya Victoria train station lir aser iba tesem ya yimti nung senzüsempogba lenmang tiyong lir. Iba tesem ya Mongulbarnü anüngdang 12:00 ako tashi shibanga ayu.

Iba lendong adalokba sülen ambulance 60 iba tesemi ao

aser yirur alirtem ya yimti nung aliba mozükitem nung anepaluba mapang lir.

"Nisung molungjang maliba kiralongrar temi pei kümzüka alitsü memeteba lanurtem dak rangloktsür iba lendong agütsüogo," ta Downing Street nungi England Ato Kelonser, Theresa May-i sangdong.

Nisungtemi kinungertem samar mangu aliba bushitsü asoshi social media balala nung telok balala tenteta pei kinungertem bushitepba mapang lir.

Yimden yimsüsürtem election nübuyim anena lir aser Ato Kelonser, Theresa May-i anir sorkar ajungben senden ka mener iba lendong adalokba tesem semdang tenzükogo.

Alima nung lenirtemi iba lendong aitsüogo aser England chubatsür, Elizabeth II-ia iba lendong aitsüogo.

Homs aser Damascus nung suicide car bomb apok

Damascus, May 23 (Agencies): Syria nung aliba Homs yimti nung Mongulbarnü car bomb ka apokba ajanga nisung pezü pokset aser 16 yiru, ta ketdangser ajanga ashi aser Damascus nunga bomb ka apok, ta kasa osang ajanga ashi.

Homs nung aliba al-Zahra tesem nung Mongulbar anepdang bomb ya apok, ta UK nung aliba Syrian Observatory for Human Rights ajanga ashi.

Syria nung aliba state-news agency, SANA ajanga osang akütsüba agi, iba lendong nung

asür nisung pezü aser yirur 30 liasü, ta ashi.

Sorkar anemer telok Waer tesem nungi ainshitsü asoshi tezüngzüktep agiba sülen Homs yimti ya Syria sorkar kübok lir, ta sorkari Deobarnü sangdonga liasü.

Syrian Observatory for Human Right ajanga ashiba agi, Damascus nung aliba Sayyida Zeinab tekülem ki anasa car bomb ka Mongulbarnü apok, saka nisung kata masü.

Pei sasa temang nung bomb inoker pokdaksür nisung ana bona

aliba gari ka Damascus International Airport anasa al-Mustaqbal tesem nung police temi poksatsü, ta SANA ajanga ashi.

Iba gari apokdang gari nung mena alir nisung anaprong ya asü aser civilian ka asü aser ka yiru, ta SANA ajangasa ashi.

Syria nung rara adoker küm 7buba ajungdang nisung 465,000 rara mapang tepsetogo aser nisung million ka dak tali yiruogo. Iba linük nung rara metenzükdang aliba nüburtem rongnungi tesadang ka pei ki doktsür ainshio.



Jakarta, May 23 : Jakarta, Indonesia nung Islam nung temeshi ita, Ramadan atongtsü mapang steamroller kati temesepba yi bottle meyirjang aika 2017, May 23 anogo nung menüngsaba noksa nung angur. Küm shia Ramadan atongtsü anasa Indonesia sorkari ozüng alema yi ayokbatem raksatsür.

Kandahar nung mitkar alidak tesem amakdang Afghan nung mitkar 10 tepset

Kandahar, May 23 (Agencies): Kandahar nung mitkartem aliba tesem ka nung amakdang Afghan mitkar 10 tepset, ta defence osang ka ajanga ashi.

Shawali Kowt nung aliba Camp Achakzai nung Hombarü amakba lendong ya Zabul outpost ka nung Taliban telungpurtemi amakdang Afghan police 20 tepsetba sülen anogo ka dang lir adalok.

Saka Kandahar nung amakba ya telok katia tenüng magi.

"Tasü tait mitkar 10-i pei linük asoshi taküm bendanga agütsüogo aser 9 yiru. Yirur aliba mitkartem ya mozüki nung anir oa anepaluba mapang lir aser parnok tang tajungba lir," ta ministry ajanga sangdong.

Ghonda eshika raraba mapang sorkar indang mitkartemi parnok dak amaker nisung 12 tepsetogo, ta defence ministry indang odongtar, Dawlat Waziri-i osangbener dang ashi.

Iba lendong ajanga NATO-i yariba Afghan mitkartem nem takoksa tulu agütsüogo. Balkh province nung Taliban telok-i

mitkar 135 tepsetba ya 2001 küm sülen mitkar tem dak amakba rongnung tesashitiba liasü aser iba lendong adaloker ita ka sülen iba lendong ya adaloker.

Deobarnü Zabul amakdang iba tesem nung aliba ketdangsertemi teyari meshitsü asoshi parnok dang temaba ketdangsertem den osang magitetba ajanga parnoki Afghan television channel dangi aiben call asü.

US ajanga Afghanistan nung inyakyim melenshitsü sentong tenzükba mapang aser NATO ajanga telungpur makdoksü asoshi mitkar tali yoktsü asoshi sentong yangluba mapang ka nung Taliban teloki April ita tatemlen nungi iba lendong tesashi agütsü tenzük.

Afghanistan nung aliba mitkartem asoshi anu küm tamajung ka arur, ta US Defence Secretary, Jim Mattis-i tekümdangtsü osang ka taoba ita agüja lir.

Afghanistan nung Taliban telungpurtem maktoktsü asoshi mitkar meyirjang aika iba linüki yoktsü atema White House-i sentong yangluba mapang ka lir.



BETHLEHEM, MAY 23: 2017, May 23-nü Bethlehem nung aliba West Bank jila nung U.S. tir, Donald Trump aser Palestine tir, Mahmoud Abbas-na ajuruteba salemba mapang tangokba noksa nung angur.

North Korea nungi aruba mejangjaba oset ka dak South Korea-i akah

Seoul, May 23 (Agencies): North Korea nungi North Korea nungi 'demilitarised zone' ajanga mejangjaba oset ka anüng tom nung yima aruba ajanga injang khaloktsü, ta South Korea-i ashi.

Iba mejangjaba oset yima aruba dak machine gun injang 90-shi khaloktsü. Tamalena North Korea-i arrtsü alema drone aika yoka liasü.

Korean peninsula nung tebilemtsü adoka aliba mapang ka nung iba lendong ya adalok.

Medium-range ballistic missile ka Pyongyang-i Deobarnü takok ngua tendangogo, ta osang sangdonga lir.

Nuclear warhead tulu bener otettsü akokba rocket ka North Korea-i tendanger hopta ka sülen iba missile tendanga liasü.

North Korea-i missile tendanga ya tesüiba ita eshika tejaklen nungi tali renloka arur aser iba ajanga US tonga oa bokloktsütettsü missile yanglutsü atema Pyongyang nükjitong tongteter, ta mongin temi ashi.

UN Security Council-i

Mongulbar nikongdang North Korea atema 'closed-door' senden ka amentsü sentong lir. Aser iba senden nung North Korea-i iba ama mapa inyakba anendaktsütsü asoshi ozüng tesashi yanglutsü molungtepogo, ta osang ka sangdong.

South Korea nung tir tasen, Moon Jae-in May tetenzüklen shimba sülen iba tebilemtsü tali akumer.

North Korea indang drones ya 2014 April ita Baengnyeong asetkong nung ngutet, ta South Korea-i ashir.

South Korea indang mitkartemi iba oset dak khashi asü mükhashiar ketdangsertemi kicha osang shia mali.

2016 January ita nunga drone südi, ta temolung melemtetba tayimtsü ka dak South Korea mitkar temi akha. 2014 nunga North Korea indang drone ana tashi 'demilitarised zone' nung Paju anasa ngutet, ta South Korea ketdangsertemi ashir.

Adolescent health dak sendakba nung yimdong nung jilushi sayu



Dimapur, May 23 (TYO): yimdong nung jilushi ia sayu. Mokochung district kübok block balala nung May 21 aser 22 nü Adolescent Health dak sendakba nung Adolescent club of Mokochung District-i

sendakba nung jilushi sayu.

Club nung züngsem Asenlai Anaemia dak sendakba nung presentation tatsüka agütsü. Anemia ya azü nung red blood cells mesüra haemoglobin ajema aliba ajanga adoker ta rasaa ashiba den külemi Anemia adoktsüba sign aser symptom tem metetdaksü aser anojungi tanur abenba nung lendong aliba tema rasaa ashi.

Nüburtem nem tangazükba balala agütsütsü nükjidong nung club nung züngsemtemi yimdong nung iba jilushi sayua liasü.

Iba sentong nung adenertem nem health dak sendakba onük balala nung leaflet tem lemtsü. Iba sentong nung DMEIO, IEC aser DCM züngsemtemia shilem agi.

Arunachal sorkar ketdangser ka khasetsü merang

Itanagar, May 23 (Agencies): Arunachal sorkar mapa nung ketdangser ka mejangjaba nisungtemi Naharlagun, D-Sector nung pa office nung khasetsü merangba nungi tera agi jenbuogo.

Osang ajanga ashiba agi, mejangjaba nisung anati AK-56 prangpong amer Abdul Basit mena aliba Director of Accounts & Pension office-i tanü 1:00 ako shi nung ia pa khasetsü merang.

Lendong aliba lazüka Basiti dena ayimjema AK-56 prangpong nungji oa amet aser atsü tenzüik. Parnok atsütepba mapang nung pa tekettsüla tera yiru. Iba kasa mapang nung pai

teyari asoshi ayimten aser iba nisungba ana yagi AK-56 rifle aser hand grenade ka ta bena aliba juliji toktsür jena oadok.

Iba sülen Directorate nungi ketdangsertemi police nem osang agütsü aser parnoki arua prangpong aser grenade ji parnok ket nung ayu aser bushisüngdang ka tenzüik.

AIGP Tusar Taba-i ashiba agi, iba ozüing alema inyakba maparen ya kechiba inyak'ar mejangjateter.

Paisa ashiba agi, Director office nung CCTV surveillance system inoka mali.

Bashit tepsettsü merangba ya Confederation of Service Associations of Arunachal

Pradesh (CoSAAP)-i aitsüogo. Parnoki Home department dang aibelena alirtem tangsa apusü mepishiba den külemi pa tepsettsü merangba kuli ngutettsü asoshi jungjunga bushisüngdangtsü asoshi temepishiba agütsüogo.

Arunachal Pradesh Finance & Accounts Service Association (APFASA)-ia sorkar dang Basit anüktsü asoshi mepishiba den külemi aibelena alirtem takok tashi apusü merangtsü atema mepishi.

Maneni APFASA-i sorkar dang sorkar office ajak nung security reprangshimtsü asoshi mepishiogo.

ABAM Clean Election zone 8 buba... (Tapak 1 nungi...)

Joko sen akar masü saka linük meima bilemba nisung Tsüngrem tsübuba, temeteba akar aser sobaliba nung tarak maket lenir shimtsüla ta tenatisa shisem.

Yimtsüing nung alirtemi joko jila nung alir dak nendaker aliba yimya intoker, pei sasa achayanga alitsüla aser tashiyim mapa inyakba ajanga takok bushitepba ya asenoki asen sasa meshiba asünung, joko item mapabo tangateterem ama mamshitsüla, ta shisalen sayurtemisa akangakanga ajungshi.

Tongtipangsa asenoki kodang aibelena lenir shimdir, mapang tatsüka lir asenok asüktemtsü. Anungji aruya aliba mapangya nüji ama asenoki tim masüba mapa meinyak khen aremzükdangti ta tenatisa züingzuinga ashi.

O lemsatep mapang yimsüsürtemi lanurtem nem tashi agüja meinyaktsüla aser media balala nung aser kokra radio nung

süaka, election temzüing agütsü nung ajak asoshi tajung asütsü ta sensaksem aka.

Tanü asen lima election mapang sen meshiba ya nübor makamaitba ajanga adokba asütsü akok ta asüba nung; lokti telen balala ajaki asen sasa litettsü akokba sorkar nungi lenmangtem bushia nübur nem anganütsüetra, sen mapa ya anentsü südi ta tebilemba lemsatep.

Joko kecha yimdaka party balalai camp mesemteta benjungtepba mapa meinyakdaksütsüla aser nungdakra candidate ajak kenüyongi arudaktsür par tebilemba shidaktsüba dak alema tanga sentong kecha makatsüla ta tezüingangtsu o jembia liasü.

Yamaisa ora tarutsü nung asen tamangba yimsüa sama aotsü akok ta tenemjem o jembia. Tatamsa, iba sentong nung adenertemi tang taruba election mapang tanü kechi

jembia itemji ochishia inyakdi ta ajungshitepa sentong tembang.

Maneni Arogo aser Yimten ajanga pei yimtsüing tensa tia apir nübor asoshi tangatetba agüja sentong tajung agitsü ABAM ajanga ajungshir, ta ABAM Executive Secretary-i sangdong ka nung metetdaksü.

ABAM 2016 küm tatem Mungdang nung lemtetba ama Yimten yimsüsür, Town Committee aser Arogo clean election sentong Mokochung District nung "Zone 8 tashi agia aruba nung Longchem, Yaongyimsen, Aitlenden, Nokon, Alichen, Mokochung, Tsusabang, Chungtiayimsen aser Kobulong arogotemi host süa timtem jenti agiogo, anungji par mapa tajung asoshi ABAM ajanga pelaba lemsateper. Maneni lokti ajaki alima ajungtsü asoshi tasü itta iba tongpang raratsü ABAM tamang tulu ayur," ta paisa shisem

Molungnen O



ASÜ : 18/05/2017

Kodanga amadoktsü makokba asür **Tiatemsü Jamir** (Chuchuyimlang) pa shirang yipden nung alidang nungi tasüba anogo (18th May 2017) tashi Doctors, Nurses (Civil & Eden Hospital Dimapur) aser kija, kibong, arogo, lokti tentet kwikati sarasadem, rongsen aser nübo agi yaritepogo, nenok ajak den pelaba lemsateper.

Nenek temeim mapatem onok mulungjang nungi kodanga maidoktsü. Tsüngremi nenok ajak moajangma.

- Temeim Kinungtsü. Jabasotem aser Kinungertem.

Alverge Academics and Careers

A subsidiary unit of Alverge Services - Dimapur

Free counseling for 2017-18 for the below listed courses

BE/B.Tech, MBBS, BDS, Nursing, B.Pharm, BCA, MCA, BBA, MBA, BSc/BCom (all branches), Diploma, Lateral entry into Engineering

Asen lima higher studies azüngtsü bushitepdang sen aser nübo kanga indoker, aser tia makar karbo memetetba nisung nem külakokdaksür. Iba tia ajiteta **ALVERGE ACADEMICS AND CAREERS** koba Dimapur nung **ALVERGE SERVICES** indang education counseling branch ka lir, iba ajanga tanurtem admission den sendakba nung teyari agütsür.

Contact: 8011335158 / 7085270049 / 7005139093

EASTERN CHRISTIAN COLLEGE (ARTS & COM)

CAMPUS: PADUMPUKHURI, DIMAPUR
AFFILIATED TO N.U & RECOGNISED BY: U.G.C

ADMISSION NOTICE

- * B.A 1 st Semester (Regular - General/Honours) English, Political Science and Sociology)
- * B.Com 1 st Semester (Regular- General)
- * B.A 1 st Semester Evening Shift (General)
- * Class- 11 (Arts & Com) Hostel Facilities seats are available

College offers additional course:

1. NCC Air Wing
2. Motor Driving (Light Vehicle/Two Wheeler)
3. Cooking Class
4. Badminton Coaching

Classes will commence from 29th May 2017. Students are informed to contact the college office for admission.

Contact : 03862-224098

Principal : 9612904883

Chairman
Managing Board

Governor-i Anshu Jamsenpa tenüing asang

Dimapur, May 23 (TYO): ajanga asen tasü tait aser tashi Anshu Jamsenpa-i Mount Everest-i pezünbenbuba tur alutetba atema Nagaland aser Jamsenpa-i taoba mapang nung Mount Everest-i asemben tuogo. Arishi küm 32 tain tetsür chanu ana tetsü yagi 2011 May 12 nung 21 tsüngda nung alima nung tenem kolak talangtiba yagi anaben tashi tur alu.

Iba sülen 2013 küm May 18 nü lai tasemben buba atu. Tang la Mount Everest-i anaben tur alutsüba sentong ya temeshi nisung Dalai Lama-i April 2 nü Guwahati nungi tenzüksü. Lai tang ya anaben tashi tur alutetra tejakleni tongpoka aoba Everest-i ponguben buba tur alutetba atema otsü tasen ka teti rangketa reprangtsü. Iba yanglutsü.

Jamsenpa tenüing sanga Governor-i ashiba agi, la ya North East pur asoshi nükrangdong ka lir aser tejakleni tongpoka aoba tatishtsü tajungka lir koba ajaki teti rangketa reprangtsü. Iba yanglutsü.

RAINBOW COACHING CENTRE

MOTTO: "Learn to Lead" ★ ESTD. 2006. Dimapur Nagaland.

Admission Notice

Special Coaching Class For:
CL-10, CL-12 (Arts) & CL-12 (Science)
★ 24 hours running water ★ Hygienic food, Maintain strict attendance. Monthly test and performance exams.
98% passed result 2017.

Hostel for both Boys & Girls.
★ Good study environment
★ Parental guidance
★ Spiritual awakening programmes.

NB: Hostel seats available for Regular students. Walkable distance to many colleges.

For details contact: 03862-248524 (0) 9856857778 / 9862700227



Guwahati, May 23 : Mongulbarnü mapa inyakertemi FIFA World Cup 2017 atema Guwahati nung aliba Indira Gandhi Athletic Stadium renemshiba noksa nung angur. Iba Stadium nung asaya repranger nisung 35,000 asemtsü. FIFA U-17 World Cup ya India nung jila trok - Kolkata, Navi Mumbai, New Delhi, Guwahati, Kochi aser Panaji - nung October 6 nungi 28 tashi alitsü.

Tanü nungi 9buba Open Basketball Tournament tenzüktsü

Kohima, May 23 (TYO): Mapang talangka nungi yongya ataba 9buba Open Basketball Tournament ya Bodhbarnü (May 24) nungi tenzüka Khouchiezie, Kohima Local Ground nung akatsü.

Nagaland Basketball Association (NBA) aser Suncity Club Kohima ajanga iba tournament anogo pezü asoshi ayongba sentong nung telok 20 nungi shilem agitsü. Mezüng round 'knock out' nung telok 16 asayatsü aser parnok rongnungi takoker telok 8 ya tanünga telok pezü den tanabuba round nung league asayatsü aser temaba jenjang nung aliba team pezü semi-final asayatsü.

May 24 nikongdang 3:00 ako nung iba asayamong lapokba sentong agitsü, anungji iba asayamong nung shilem agitsübur telok ajak asayadak

tesem nikongdang 2:30 ako tashi nung tonga arutsü, asayamong ketdangser ajanga metetdaksü. Iba asayamong sentong ya Youth Resources & Sports indang Parliamentary Secretary, Khekaho Assumi-i lapoktsütsü aser nikongdang 6:00 ako nung MLA aser Nagaland Basketball Association (NBA) tir, Zhaleo Rio-i asayamong nung atener pela agizükba o jembitsü.

Open Basketball Tournament indang 'theme song' ya Table Three aser Dexterains-i atentsü aser temeja ken ka Rugks Ngouri-i atentsü.

Temesepba chiyongtsü chia-ajemertem asayaba tesem nungi anidoktsü aser 'Car pass' aliba gari ajak South Gate nungi aitsü asoshi asayamong ketdangsertemi metetdaksü.

Asayamong ketdangsertem dak tsüngsang mopung abir

asaya mapang melenshitsu tashi lir, ta kasa sangdong ajanga ashi.

Iba asayamong nung mezüng jenjang nguteter nem sempet sen 50,000/-, tanabuba jenjang nguteter nem sen 30,000/- den marok aser kuli kaket agütsütsü. Semi-final nung tsüker telok ajak nem sen 5000/- agütsütsü aser asaya shia terepranger tia takaba nem sempet agütsütsü, ta asayamong ketdangsertemi shisem.

Mezüng anogo (May 24) nung asayatsüburtem yamai alitsü:

- * St. Joseph College, Jakhama vs S.Naga Trouncers - 3.00 pm
- * Team Orca vs Team Waxbill - 4.00 pm
- * Team Titans vs Team Highland Dazzlers - 6.00 pm
- * Team Buzzards vs Team Skylark - 7.30 pm
- * Team Doberman vs Tiyi Hoopers - 8.30 pm

Highland Dazzlers teloki Sun City Basketball Tournament nung shilem agitsü



May 22 anogo Queen Mary Higher Secondary School (QMSS), Mokokchung Basketball court nung Highland Dazzlers telok nungi asayartem practice session mapang tangokba noksa nung angur.

Mokokchung, May 22 : magitettsüsa akum. Mokokchung nung basketball asayar, Highland Dazzlers telok ya 2001 küm tenzük aser 2008-09 mapang kanga wangshia liasü. Saka Mokokchung nung basketball asayadak tesem maliba ajanga iba telok ya asaya kicha nunga shilem

Kohima nung Sun City Highland Dazzlers teloki shilem agitsü aser iba sentong asoshi asayar 12 aser ketdangser 3 shimteta lir. Parnok telok iba asaya practice asütsü asoshi QMSS ketdangsertemi

basketball court melaba asoshi pelaba osang ka club nung ketdangsertemi metetdaksü.

Maneni lokdi, kija aser temolunger shirnokisa rongsen aser nübu agi tenlaogo, parnok ajak dang Highland Dazzlers ajanga pelaba osang ka lemsatop.

Angh PB Acharya-i... (Tapak 1 nungi...)

Ura Academy den tanga Naga nung teloktemi India nung den ajurutepa sensaksemtsüla. Iba asoshi Naga nungertemi külem Naga nung den ajuruteptsüla aser tebilembatem lemsateptsüla aser tangari ashiba-a angatsüla, ta Iralu-isa ashi.

Iba sentong nung mendenji Vipralhou Kesiezie liasü, Chief Minister aser Ura Academy tir, Dr Shürhozelie Liezietsu-ia Ura Academy indang osang tatsü agi metetdaksütsü aser Tenyimi aser tajungtiba rongnung dena lir. Ochi nem takok ngudakjang,

temeten ayimokjang aser agizükang. Aibelenji sangdongang aser agizükang. Asenoki shidak inyakra, tatem nung shidak ataloktsü, ta paisa ashi.

16buba Nagaland Chess Challenger tenzükogo



May 23, 2017 nü chess asayamong nung kaketshirtem shilem agiba noksa angur.

Kohima, May 23 (TYO): Nagaland Chess Association (NCA)-i ayongzüka Red Cross Conference Hall nung tanü nungi 16buba Nagaland Chess Challenger Tournament tenzükogo.

Anogo asem asayamong nung Nagaland ajunga nungi aser school balala nungi parnok 40 tashi-i shilem agiba osang NCA tir, K Sekhamo-i metetdaksü.

Iba asayamong ya shilem ana kuma lemsar asayadar. Open category nung asayar parnok 25

asayamong nung arishi küm 65 tain, Kedizhalhou Yano tambuti lir aser arishi küm 10 tain, Shekupu Awomi tanobusang lir. Pa ya Model Higher Seconday school nung azünger. NCA tir-isa ashiba agi, open category nung asayar tajungtiba 4 shimteter taruba National Open Chess Championship nung shilem agidaksütsü, koba taküm küm tatemlen akatsü.

**Yimlibilema,
ne temesen anepaluang**

LIVSAV^{DS}
Syrup/Capsule

Mfg. by: Medintex Research Health Products Pvt. Ltd, Thane (Maharashtra),
CUSTOMER CARE:- 022-4548183

BILEMDANGANG
"Mapa ajak takok mangu tashi tamakoktsü
amai bilemer."